

春秋集傳

春秋卷第十二

張洽集傳

文公

名興僖公。子母聲善。謚法慈惠愛民曰文。忠信接禮曰文。

元年春王正月公即位

穀梁傳繼正即位正也

二月癸亥日有食之

公羊有朔字

天王使叔服來會葬

左氏傳王使內史叔服來會葬。○公羊傳其言來會葬

何會葬禮也○胡氏傳凡崩薨卒葬人道終始之變也不以得禮爲常事而不書其或失禮而害王法之甚者聖人則有削而不存以示義者矣

夏四月丁巳葬我君僖公

余氏曰五月而葬內葬雖得禮亦書明臣子之義

天王使毛伯來錫公命

左氏傳王使毛伯衛來錫公命○穀梁傳禮有受命無來錫命錫命非正也○劉氏傳錫命者何命爲諸侯也諸侯在喪稱子踰年即位喪畢以士服見於王王乃於

廟命之喪未畢而命之非禮也既畢喪而不受命於天子亦非禮也胡氏傳諸侯終喪入見則有錫歲時來朝則有錫能敵王所愾則有錫敵見圭璧因其終喪入見而錫之者也禮所謂喪畢以士服見天子已見賜之敵見圭璧然後歸是已車馬衰黻因其歲時來朝而錫之者也詩所謂君子來朝何錫予之路車乘馬玄裘及黻是已彤弓放矢因其敵愾獻功而錫之者也詩所謂彤弓彤兮受言藏之我有嘉賓中心貺之是已今文公繼世喪制未畢初非繼朝而獻功也遣使錫命是輕恩而瀆典也安得不啓諸侯驕譽之心乎故穀梁子以謂來錫命非正也

### 晉侯伐衛

左氏傳晉文公之季年諸侯朝晉衛成公不朝使孔達侵鄭伐綿些及匡晉襄公既祥告于諸侯而伐衛及南

陽先且居曰效尤禍也請君朝王臣從師晉侯朝于  
溫先且居胥臣伐衛五月辛酉朔晉師圍戚六月戊戌  
取之

叔孫得臣如京師

杜氏注得臣叔牙之孫○左氏傳叔孫得臣如周拜○  
高郵孫氏曰天王賜命魯公而魯公使得臣拜之非禮  
之甚者文公即位未嘗如周而天子錫命公受命矣又  
不自朝而使得臣往其不臣可知矣

衛人伐晉

左氏傳衛人告于陳陳共公曰更伐之我辭之衛孔達帥師伐晉

孔達不共盟主稱兵報復故人之

秋公孫教會晉侯于戚

左氏傳晉侯驪戚田故公孫教會之○杜氏注戚衛邑在頓丘衛縣西

冬十月丁未楚世子商臣弑其君頹公穀作晃

何氏注不言其父言其君者君之於世子有父之親有君之尊故兩見之又責臣子當討賊也○左氏傳初楚

子將以商臣爲太子訪諸令尹子上子上曰君之齒未也而又多愛黜乃亂也楚國之舉常在少者且是人也讎目而射聲忍人也不可立也弗聽既又欲立王子職而黜太子商臣商臣聞之而未察告其師潘崇曰若之何而察之潘崇曰享江芊而勿敬也從之江芊怒曰呼役夫宜君王之欲殺女而立職也告潘崇曰信矣潘崇曰能事諸乎曰不能能行乎曰不能能行大事乎曰能冬十月以官甲圍成王官甲太子王請食熊蹯而死弗聽丁未王縊○胡氏傳卅子而至於弑逆此天理大變

人情所深駭者春秋詳書其事欲後世觀此而察所由  
示懲戒也唐世子弘受春秋左氏至此廢書歎曰經籍  
聖人垂訓何書此邪郭瑜對曰春秋義存褒貶以善惡  
爲勸戒故商臣千載而惡名不滅弘曰非唯口不可道  
故亦耳不可聞願受他書瑜請讀禮世子從之嗚呼聖  
人大訓不明於後世皆腐儒學經不知其義者之罪亦  
夫亂臣賊子雖陷穽在前斧鉞在後而不避顧謂身後  
惡名足以格其邪志而懲於爲惡豈不謬哉持此曉人  
可謂茅塞其心意矣若語之曰爲人君父而不通於春



秋之義者必蒙首惡之名爲人臣子而不通春秋之義者必陷篡弑誅死之罪聖人書此者使天下後世察於人倫知所以爲君臣父子之道而免於首惡之名誅死之罪也則世子弘而聞此必將慄然畏懼知春秋之不可不學矣學於春秋必明臣子之義不至於奏請拂旨而見醜矣傳者按也經者斷也考於傳之所載可以見其所由致之漸豈隱乎嫡妾必正而楚頑多愛立子必長而楚國之舉常在少者養世子不可不慎也而以潘崇爲之師侍膳問安世子職也而多置官甲降而不憾

憾而能矜者鮮矣乃欲黜兄而立其弟謀及婦人宜其  
死也而使江革知其情是以不仁處其身而以不孝處  
其子也其及宜矣楚賴僭王憑陵中國戰勝諸侯毒被  
天下然昧於君臣父子之道禍發蕭牆而不之覺也不  
善之積豈可揜哉君不君則臣不臣父不父則子不子  
春秋書世子弑君推本其所由而著其首惡爲萬世之  
大戒也

公孫敖如齊

左氏傳穆伯如齊始聘焉

二年春王二月甲子晉侯及秦師戰于彭衙秦師敗績

左氏傳報之役晉人既歸秦帥秦大夫及左右皆言於秦伯曰是敗也孟明之罪也必殺之秦伯曰是孤之罪也復使爲政春秦孟明視帥師伐晉以報報之役晉侯禦之先且居將中軍王官無地御戎狐鞠居爲右甲子及秦師戰于彭衙秦師敗績晉人謂秦拜賜之師秦伯猶用孟明孟明增修國政重施於民趙成子言於諸大夫曰秦師又至將必避之懼而增德不可當也○程氏傳越國襲人秦之罪也忘親背惠晉之惡也秦經人之

國以襲遼雖憤無以爲辭矣故其來不稱伐晉不論秦而與戰故書晉及秦以取敗故書敗績○胡氏傳夫敵加於己不得已而應者謂之應兵爭恨小故不忍憤怒者謂之憤兵孟明伐晉報報之役此所謂憤兵疑罪之在秦也而以晉侯爲主何哉曰敵加於己而已有罪焉引咎責躬服其罪則可矣已則無罪而不義見加論之以詞命猶不得免焉亦告於天子方伯可也若遽興師而與戰是謂以桀攻桀何愈乎故以晉侯爲主者更己息爭之道寡怨之方王者之事也

丁丑作僖公主

公羊傳作僖公主者何爲僖公作主也主者曷用虞主

用桑

礼平明而葬日中而反虞

練主用栗

期年練祭也埋虞主於兩階之間易用栗

用栗

者藏主也作僖公主何以書譏何譏尔不時也○穀梁

傳主喪主於虞吉主於練作僖公主譏其後也

僖公薨至此已

十五

作主壞廟有時日於練焉壞廟壞廟之道易擔可

也改塗可也

礼親過高祖則毀其廟以次而遷將納新神故示有所加

○任氏曰主

所以象神也孝子之心以親既葬而不得復見也於是

作主以象神故古者既葬作主於墓不終日而虞祭未

忍一日忘其親也。僖公薨葬踰年而今乃爲主忘其君

親矣。

胡氏傳十五月然後作主慢而不敬甚矣夫慢而不敬積惡之源也。以爲無傷而弗去至於惡積而

不可辨此春秋所以謹之也。

三月乙巳及晉虘父盟

左氏傳晉人以公不朝來討公如晉夏四月己巳晉人使陽處父盟公以耻之書曰及晉虘父盟以厭之也。適晉不書諱之也。○穀梁傳不言公虘父仇也爲公諱也。○襄陵許氏曰春秋之義抑高舉下虘父云者君臣詞也以抑晉也。○杜氏注虘父爲晉正卿不能以禮匡君

而親與公盟故舉其族不地者盟晉都○胡氏傳諱不  
書公者抑大夫之抗不使與公爲敵正君臣之分也適  
晉不書反國不致爲公諱耻存臣子之禮也凡此類筆  
削魯史之舊文歟矣

夏六月公孫敖會宋公陳侯鄭伯晉士穀盟于垂隴

隴公穀  
作飲

左氏傳公未至穆伯會諸侯及晉司空士穀盟于垂隴  
晉討衛故也陳侯爲衛請成于晉殺孔達以說○杜氏  
注垂隴鄭地滎陽縣東有隴城○襄陵許氏曰元年衛  
人伐晉至是諸侯會盟而明年衛人會晉伐沈則知衛

成於垂隴之會矣晉襄方患秦楚連養中國罪苟有可  
委斯受之可也

阜有二月不雨至于秋七月

杜氏注周七月今五月不雨足爲災不書旱五穀猶有  
收○穀梁傳歷時而言不雨文不憂雨也不憂雨者無

志乎民者也

僖公憂民歷一時輟書不雨文公不勤胡  
雨故歷四時乃書以見其無恤民之心胡

氏傳書不雨至秋七月而不曰至秋七月不雨者蓋後  
言不雨則是冀雨之詞非文公之意也夫書不雨至秋  
七月而止即八月嘗雨矣然而不書八月雨者見文公



之無意於雨不以民事繫憂樂也

通旨曰書自正月不雨至于秋七月七月

者猶言有雨亦可無雨亦可

其怠於政事可知而魯衰自此始矣

八月丁卯大事于大廟躋僖公

公羊傳大事者何大禘也大禘者何合祭也其合祭柰

何毀廟之主陳于大祖未毀廟之主皆升合食于大祖

五年而再殷祭

穀梁傳大事者何大是事也著禘嘗○劉氏傳禘則曷為謂之大事諸侯之大

事也庶人薦而不享大夫享而不禘諸侯禘而不禘又意林曰時祭稱有事禘祭稱大事大事之外無加者矣以是推之魯之郊禘非礼也大夫有善於其君則于禘及其高祖諸侯有善於天子則禘其祖之所自出皆周之未造也非大平制○杜氏曰時未當言祭而於大廟名器正上下之分也

行之於閔二年譏已明此主爲逆祀書也又曰僖公閔  
公庶兄繼閔而立廟坐宜次閔下今升在閔上○公羊  
傳躋者何升也何言乎升僖公譏何譏爾逆祀也其逆  
祀奈何先禰而後祖也

劉氏曰此非祖祫也其謂之祖祫何臣子一例也

○左

氏傳於是夏父弗忌爲宗伯尊僖公且明見曰吾見新  
鬼大故鬼小先大後小順也躋聖賢明也明順禮也君  
子以爲失禮禮無不順祀國之大事也而逆之可謂禮  
乎子雖齊聖不先父食久矣故禹不先鯀湯不先契文  
武不先不窋宋祖帝乙鄭祖厲王猶上祖也

張梁傳先親而後祖

也逆祀也逆祀則是無昭穆也無昭穆則是無祖也無祖則是無天也君子不以親親害尊尊春秋之義也○胡氏傳夫有天下者事七世諸侯五世說禮者曰世指父子非兄弟也然三傳同以閔公爲祖而臣子一例故是以僖公父視閔公爲禮而父死子繼兄終弟及其名號雖不同其爲世則一矣○任氏曰父子者一家之私愛也世統者天下之大義也僖公雖閔公之兄然繼閔之統則昭穆之序嚴不可亂以一家之私愛而汨天下之大義文公於是不智矣

冬晉人宋人陳人鄭人伐秦

左氏傳晉先且居宋公子成陳轅選鄭公子歸生伐秦取汪及彭衙而還以報彭衙之役○程氏曰秦以憤取

敗晉可以已矣而復伐秦報復無已殘民結怨故敗稱人

公羊遂如齊納幣

公羊傳納幣不書此何以書譏喪娶也娶在三年之外則何譏乎喪娶三年之內不圖昏吉婦于莊公譏然則曷爲不於祭焉譏三年之恩疾矣非虛加之也以人心爲皆有之以人心爲皆有之則曷爲猶於娶焉譏娶者大吉也非常吉也其爲吉者主乎己以爲有人心者宜於此焉變矣

董氏繫露曰喪之法不過三年三年之喪二十五月今文公四十一月乃娶何以謂

之喪娶曰春秋之論莫重乎志今納之月在喪分故謂之喪娶也且文公以秋袷祭以冬納幣皆失於大早春秋不識其前顧識其後以三年之喪肌膚之情也乃在思念娶事是春秋之所疾也緣此以論礼礼所重者在志志敬而節具則君子與之知礼志和而音雅則君子與之知樂志哀而居約則君子與之居喪故曰非虛加之重志之謂也

志爲質物爲文

三年春王正月叔孫得臣會晉人宋人陳人衛人鄭人伐沈沈潰

左氏傳莊叔會諸侯之師伐沈以其服於楚也沈潰凡民逃其上曰潰在上曰逃○杜氏注沈國名汝南平輿縣北有沈亭○常山劉氏曰昔滕文公問孟子曰齊人

將蔡薛吾甚恐如之何則可孟子曰是謀非吾所能及也無已則有一焉鑿斯池也繁斯城也與民守之效死而民弗去是則可爲也由此觀之則諸侯守邦豈可致民之潰哉一被侵伐而民散君之不能其可知矣蔡潰沈潰官潰之類是也○胡氏傳五國皆稱人將非命卿也沈在汝南未嘗與中國會盟而南服於楚師入其境而人民逃散雖非義舉比於報復私怨之兵則有間矣  
夏五月王子虎卒

左氏傳夏四月乙亥王叔文公卒來赴弔如同盟

王子虎與

傳同盟  
于翟泉

○胡氏傳王子虎不書爵議之也天子內臣無  
外交以同盟而致恩禮焉是以私情害公義矣

秦人伐晉

左氏傳秦人伐晉濟河焚舟取王官及郊晉人不出遂  
自茅津濟封穀尸而還○胡氏傳其稱人何也聖人作  
易以懲忿窒欲爲損卦之象其辭曰德之修也春秋諸  
侯之知德者鮮矣穆公初聽杞子之請其名爲貪其是  
欲而不能窒也及敗於穀作秦誓庶幾能改將窒其欲  
也復起彭衙之師以報穀圍之役其名爲憤其是然而

不能救也今又濟河取郊人之稱斯師也何義哉晉人畏秦而不出穆公逞然而後悔自是見伐而不報始能踐自誓之言矣其故於此敗而稱人備責之也

秋楚人圍江

左氏傳楚人圍江晉先僕伐楚以救江

雨螽于宋

陸氏纂例曰自空而下下又多似雨也○公羊傳記異也

冬公如晉十有二月己巳公及晉侯盟



左氏傳晉人懼其無禮於公也請改盟

敗二年  
頃父盟

公如晉

及晉侯盟○陸氏纂例曰在晉都盟故不言地○蘇氏

曰晉懼其無禮故請改盟雖親盟於其國猶可書也

晉陽處父帥師伐楚以救江

公穀無  
以字

左氏傳晉以江故告于周王叔桓公晉陽處父伐楚以

救江

桓公周卿士  
不書不親伐

門于方城遇息公子朱而還

子朱楚  
大夫伐

江之帥也聞晉師起  
而江兵解故亦還○公羊傳此伐楚也其言救江何

為護也其為護奈何伐楚為救江也○胡氏傳以者不

以者也救江善矣其書以何楚嘗伐鄭矣齊桓遠結江

黃合九國之師於召陵然後伐鄭之謀罷又嘗圍宋矣  
晉文公許復曹衛會四國於城濮然後圍宋之役解今  
江國小而弱非能與宋鄭比楚人圍之必不待徹四境  
屯戍守禦之衆與宿衛盡行也當是時楚有覆載不容  
之罪晉宜大合諸侯聲罪致討庶幾楚震恐而江圍可  
解矣計不出此乃獨遣一軍遠攻彊國豈能濟乎故書  
以言救江雖善而所以救之者非其道矣

四年春公至自晉

呂氏曰自是公朝強國皆致者事近得詳事遠不得詳

也

夏逆婦姜于齊

程氏傳納幣在喪中與喪昏同也稱婦姜已成婦也不稱夫人不可爲小君奉宗廟也不書逆者雖卿亦失其職矣○劉氏傳何以不言姜氏貶喪娶者公也曷爲貶夫人夫人與有貶也婦人在家制於父既嫁制於夫婦人不專行其曰與有貶何父母與有罪也○胡氏傳逆皆稱女以未成婦而女者在父母家所稱也往逆而稱婦入國不書至何哉此春秋誅意之效也禪制未終而

思娶事是不志哀而君約矣方違也而已爲成婦未至也而如在國中原其意而誅之也文公不知敬其伉儷違禮而行使國亂子弑齊人不能鑒微知者冒禮而往使其女不允於魯皆失於不正其始之過也夫婦之際人倫之首禮不可不謹也故交譏之以爲後鑒

### 狄侵齊

許氏曰狄自箕之敗至是始復侵齊間晉有秦楚之難也

### 狄楚人滅江

晉侯伐秦

左氏傳晉侯伐秦圍祁新城以報王官之役○程氏曰秦逞忿以伐晉晉畏而避之其見報乃常情也秦至此能悔過矣故不復報晉聖人取其能遷善也○胡氏傳晉三敗秦師而穆公報之則貶稱人秦雖取王官及郊未至如晉之甚也襄公又報之亦過矣而得稱爵何也聖人以常情待晉襄以王事責秦穆穆公初敗于殽悔過自誓增修德政宜若過而知悔悔而能改又有濟河之役則非誓言之意所以備責之也若襄公則忘親背

東大破秦師敗狄伐許怒魯侯之不朝也而以無禮施之是專尚威力莫知省德而後動也今又報秦不足責矣然晉襄伐秦而秦穆至是不復報善可知矣不譏晉侯所以深善秦穆春秋大改過嘉釋怨王者之事此秦誓之書所以列於百篇之末也

衛侯使甯俞來聘

左氏傳甯武子來聘

冬十有一月壬寅夫人風氏薨

杜氏注僖公庶母也○陸氏纂例曰自成風之後妾母

皆僭用夫人禮故亦書薨著其非禮○胡氏傳風氏莊  
公之妾也而稱夫人自是嫡妾亂矣語曰邦君之妻邦  
人稱之曰君夫人稱諸異邦曰寡小君蓋敵體之稱也  
若夫妻勝則非敵矣其生亦以夫人之名號稱之其沒  
亦以夫人之禮卒葬之非所以正其分也以妾勝爲夫  
人徒欲尊寵其所愛而不慮卑其身以妾母爲夫人徒  
欲崇貴其所生而不慮賤其父卑其身則失位賤其父  
則無本越禮至是不亦悖乎夫禮庶子爲君爲其母無  
服不敢貳尊者也春秋於成風記其卒葬各以其實書

不為異辭謹禮之所由變也

五年春王正月王使榮叔歸含且贈

杜氏注珠玉曰含含口寶車馬曰贈○胡氏通旨曰言  
來歸者彼自來也言歸不言來者請而得之也○程氏  
傳天子成妾母為夫人亂倫之甚失天理矣不稱天義  
已明稱叔存禮也劉氏意林曰不知者乃以謂天子贈  
人之妾小過耳而議之深求車殺母  
弟大惡也而譏之畧是不知春秋正人倫之意也父子  
也夫婦也君臣也治之三綱也道莫先焉桓以臣執君  
而王命之成風以妾僭嫡而王成之於三綱廢  
矣是去人之所以為人也王之無天不亦明乎

三月辛亥葬我小君成風



陸氏纂例曰自文公葬成風之後乃有二夫人祔廟祔

禮也

蘇氏曰仲子雖聘而非惠公之嫡也故特為之官而不祔蓋札之正也自成風以來妾母皆葬蓋祔

也魯札之變自此始

王使召伯來會葬

召穀梁作毛

程氏傳天子以妾母同嫡亂天理也故不稱天聖人於

此尤謹其戒

胡氏曰王臣下聘桓公冢卒書名示貶而大夫再聘則無譏焉或以為從同同也或

以謂同則書重也成風薨王使榮叔歸舍且贈既不稱天矣及使召伯來會葬又與數何也歸舍且贈施於妾母已稠疊矣又使卿來會葬恩數有加焉是將祔之於廟也而致札於成風盡矣聘一也舍贈而又葬則其事益隆亂人倫廢王法甚矣再不稱天者聖人於此尤謹其戒而不敢略也○許氏曰喪服傳曰庶子為父後者

爲其母何以緦也與尊者一體不敢私其親也服問曰君母非夫人也則群臣無服惟近臣及僕隸乘從服唯君所服也此禮之正也

夏公孫敖如晉

秦人入郿

左氏傳初郿叛楚即秦又貳於楚夏秦人入郿

秋楚人滅六

杜氏注六今廬江六縣○左氏傳六人叛楚即東夷秋楚成大心仲歸師師滅六冬楚公子燮滅萊臧文仲聞六與萊滅曰皐陶庭堅不祀忽諸德之不建民之無援

哀哉○師氏曰秦楚皆夷狄也秦入郡楚滅蒙晉夷狄之盛疆也

冬十月甲申許男業卒

六年春葬許僖公

夏季孫行父如陳

左氏傳臧文仲以陳衛之睦也欲求好於陳夏季文子聘于陳

秋季孫行父如晉

左氏傳季文子將聘於晉使求遭喪之禮以行聞晉侯有疾故

其人曰將焉用之文子曰備豫不虞古之善教也求而無之實難過求何害

八月乙亥晉侯驪卒

驪公羊作謹

左氏傳晉襄公卒靈公少晉人以難故欲立長君趙孟曰立公子雍好善而長先君愛之且近於秦秦舊好也乃使先蔑如秦迎公子雍

冬十月公子遂如晉葬晉襄公

杜氏注卿共葬事文襄之制

晉殺其大夫陽處父晉狐射姑出奔狄

射穀梁作夜

左氏傳六年春晉蒐于夷舍二軍使狐射姑將中軍趙盾佐之陽處父至自溫改蒐于董易中軍陽子成季之屬也故黨於趙氏且謂趙盾能曰使能國之利也是以上之宣子於是乎始爲國政賈季怨陽子之易其班也而知其無援於晉也九月賈季使續鞠居殺陽處父十一月丙寅晉殺續簡伯賈季奔狄○穀梁傳稱國以殺罪累上也襄公已葬其以累上之辭言之何也君漏言也上泄則下闇下闇則上聾且闇且聾無以相通夜姑殺者也夜姑之殺奈何曰晉將與狄戰使狐夜姑爲將

軍趙盾佐之陽處父曰不可古者君之使臣也使仁者  
佐賢者不使賢者佐仁者今趙盾賢夜姑仁其不可乎  
襄公曰諾謂夜姑曰吾使盾佐女今女佐盾矣夜姑曰  
諾襄公死處父主竟上之事夜姑使人殺之君漏言也  
胡氏曰易曰不出戶庭無咎何謂也子曰亂之所生也  
則言語以爲階君不密則失臣臣不密則失身幾事不  
密則害成是以君子慎密而不出也凡書殺者在上則  
稱君在下則稱氏在衆則稱人在微者則稱盜君與臣  
同殺則稱國今殺處父者夜姑耳君稱以漏言故亦與  
殺焉所以爲後世人君之戒○劉氏傳然則處父之罪  
奈何處父之爲人臣也華而不實好剛而犯上興事以  
自爲名足以殺其身而已矣

閏月不告月猶朝于廟

陸氏纂例趙子曰天子常以今年冬頒明生正朔於諸侯諸侯受之每月奉月朔甲子以告于廟所謂重正朔也故曰王正月言王之所以頒也因以特牲薦謂之告月亦曰告朔文公以閏非正不行告朔之禮而以其朔日但身至廟拜謁而已故曰猶朝于廟○左氏傳閏月不告朔非禮也閏以正時時以作事事以厚生生民之道於是乎在矣不告閏朔弃時政也何以爲民○劉氏傳閏不告月非正也朝廟爲告月也不告月而朝廟亦

非正也

七年春公伐邾三月甲戌取須句

句公羊作胸

杜氏注須句魯之封內屬國也僖公反其君之後邾復滅之○左氏傳公伐邾間晉難也三月甲戌取須句實

文公子焉

邾文公之子也

遂城郛

杜氏注郛魯邑下縣南有郛城城郛備邾也

夏四月宋公主臣卒宋人殺其大夫

王穀梁作主

左氏傳宋成公卒於是公子成爲右師公孫友爲左師



樂豫爲司馬麟曜爲司徒公子蕩爲司城華御事爲司  
寇昭公將去群公子樂豫曰不可公族公室之枝葉也  
若去之則本根無所庇廕矣葛藟猶能庇其本根故君  
子以爲比況國君乎此諺所謂庇焉而縱尋斧焉者也  
必不可君其圖之親之以德皆股肱也誰敢獲貳君之  
何去之不聽穆襄之族帥國人以攻公殺公孫固公孫  
鄭于宮六卿和公室樂豫舍司馬以讓公子卬昭公即  
位而葬○劉氏傳其稱人以殺何衆殺之者也昭公欲  
去群公子而反爲穆襄之族所攻殺公孫固公孫鄭于

官孟僖然後勝爾○胡氏傳書宋人者國亂無政非君命而殺人擅殺之也大夫不名義繫於殺大夫而其名不足紀也

戊子晉人及秦人戰于令狐晉先蔑奔秦

公羊先蔑下有以師守其說無

據今從二傳  
蔑公羊作昧

左氏傳秦康公送公子雍于晉曰文公之入也無衛故有呂卻之難乃多與之徒衛穆嬴曰抱大子以啼于朝曰先君何罪其嗣亦何罪舍適嗣不立而外求君將安寘此宣子與諸大夫皆患穆嬴且畏偁乃背先蔑而立

靈公以禦秦師及重陰宣子曰我若受秦秦則賓也不  
受寇也既不受矣而復緩師秦將生心先人有奪人之  
心軍之善謀也逐寇如追逃軍之善政也訓卒利兵秣  
馬蓐食潛師夜起戊子敗秦師于令狐至于剗首己丑  
先蔑奔秦○劉氏傳此晉趙盾之師也其稱人何不與  
大夫專廢置君也○程氏傳晉始逆立公子雍既而悔  
之故秦興兵以納之晉不謝秦秦納不正皆罪也故稱  
人晉懼秦之不肯已而數爭之故書晉及

胡氏曰治乱存亡係國君之廢

立事莫重於此矣而可以有誤乎非者舉其不定不勝其偶况置君而可以不定乎故河曲之戰其賡有如此

者使後世臣子謹於廢立之際不可忽也○公羊傳此偏戰也何以不言師

敗績敵也常山劉氏曰戰必有勝敗故諸侯之戰必書人其敗曰某師敗績唯此秦敗不書者晉欲

其故也○穀梁傳不言出在外也泰山孫氏曰不言出明自軍中而去也

狄侵我西鄙

左氏傳狄侵我西鄙公使告于晉趙宣子使因賈季問

鄆舒且讓之○許氏曰狄懲箕之敗間一侵齊而未敢

肆至是始復侵宋侵衛侵齊晉襄既沒莫之忘矣

秋八月公會諸侯晉大夫盟于扈

左氏傳齊侯宋公衛侯陳侯鄭伯許男曹伯會晉趙盾

盟于扈晉侯立故也公後至故不書所會凡會諸侯不  
書所會後也○杜氏注扈鄭地滎陽卷縣西北有扈亭  
程氏傳文公怠政事多廢弛既約晉盟而復後至故書  
往會而隱其不及不序諸侯以見其不在故明年公子  
遂再往與晉盟也○胡氏傳諸侯不序見公之不及於  
會也文公怠惰不能自強於政治魯自是日益衰矣○  
高郵孫氏曰春秋書及其大夫盟者唯二例耳莊九年  
公及齊大夫盟于既及此年晉大夫是也春秋之法內  
臣而盟我公皆書名以見其罪不幸其國無君若無知

之亂則齊之大夫得免焉大夫而盟諸侯亦書名以見其罪不幸君薨嗣子少君靈公之在抱則晉大夫得免焉舍是二者未有不得罪於春秋者矣

冬徐伐莒公孫敖如莒泣盟

左氏傳徐伐莒莒人來請盟穆伯如莒泣盟○穀梁傳蒞位也其曰位何也前定也

八年春王正月

夏四月

秋八月戊申天王崩

左氏傳襄王崩

冬十月壬午公子遂會晉趙盾盟于衡雍

左氏傳晉人以扈之盟來討襄仲會晉趙盾盟于衡雍  
報扈之盟也○范氏注衡雍鄭地○任氏曰二國之用  
事者會盟政在大夫矣

乙酉公子遂會雒戎盟于暴

雒戎公羊  
作伊雒戎

左氏傳遂會伊雒之戎○許氏曰戎醜在雒亂華甚矣  
稱公子遂兩之也兩之也者內諸夏而外夷狄也春秋  
所謹如此而晉唐得戎與之雒虜晉既大亂不救唐亦

幾危方悔此爲國謀者不學春秋之過也

胡氏傳春秋記約而志詳

其書公子遂盟趙盾及維戎再稱公子各日其會正其名與地以深別之者示中國夷狄終不可雜也自東漢以來廼有與雜處而不辨許翰以爲謀國者不知學春秋之過信矣哉

公孫敖如京師不至而復丙戌奔莒

左氏傳七年穆伯娶于莒曰戴已生文伯其姊聲已生

惠叔戴已卒又聘于莒莒人以聲已辭則爲襄仲聘焉

穆伯公孫敖也文伯其子穀也惠叔難也襄仲敖從父昆弟穆伯之如莒泣盟也且

爲仲逆及鄆陵登城見之美自爲娶之仲請攻之公將

許之叔仲惠伯諫曰臣聞兵作於內爲亂於外爲寇寇



猶及人亂自及也今臣作亂而君不禁以啓寇讎其若  
之何公止之惠伯成之使仲舍之公孫敖反之復爲兄  
弟如初冬穆伯如周弔喪不至以幣奔莒從已氏焉○  
陸氏纂例曰還者事事若師還之類是也善辭也復者  
未畢若公孫敖仲遂皆事未畢而復也取辭也○泰山  
孫氏曰公孫敖如京師弔喪也不至而復中道而反也  
丙戌奔莒文公不能誅敖得以自恣也案公子遂如齊  
至黃乃復者以疾而還也以疾而還義猶不可況敖如  
京師弔喪中道而反乎此敖之罪固不容誅矣而又使

之自恣得以奔莒此文公之惡亦可見矣不言所至者

舉京師爲重也

謝氏曰孟子曰君仁莫不仁君義莫不

義君正莫不正文公不能奔天子之喪而使其卿行已不恭矣其臣安得而恭哉此公孫叔所  
以中道而反也○胡氏傳教之奔莒從己氏也男女人之大欲存焉寡欲者養心之要欲而不行可以爲難矣然欲生於色而繼於淫色出於性目之所視有同美焉不可掩也淫出於氣不持其志則放僻趨蹌無不爲矣教如京師其書不至而復者言教無入使于周之意惟己氏之欲從也夫以志徇氣肆行淫欲而不爲之帥至於棄其家國出奔而不顧此天下之大戒也春秋謹書其事於教何誅將使後人爲鑒修窒慾之方也

春秋此書記通喪之禮至是大壞也魯文公無哀戚之心而所遣大夫復淫亂回邪尊君之心無有而淫

放之慾必行所以見魯君之不敬而遣使之不得人  
君臣之綱至此盡廢胡氏之說蓋晉聞之於上蔡謝  
氏者其言切於學者之修身而非大義之所繫矣

螽

宋人殺其大夫司馬宋司城來奔

左氏傳宋襄夫人襄王之姊也昭公不禮焉

昭公適夫祖母

人因戴氏之族以殺襄公之孫孔叔公孫鍾離及大司  
馬公子卬皆昭公之黨也司馬握節以死故書以官司  
城蕩意謂來奔效節於府人而出公以其官逆之皆復

之亦書以官皆貴之也○陸氏纂例啖子云守節以死特書官以美之又曰内外大夫奔御則君之股肱也治亂所寄故重之凡奔皆惡也有非惡者則異其文宋司城是也○呂氏曰守節以死者死其官也稱官以奔者得其職也劉原父以爲稱官皆不能其官非也如不能其官則何稱其官之有然而不名者其人他無可稱獨能死其官得其職爲可錄爾故舉其官不繫其人也

九年春毛伯來求金

公羊傳毛伯者何天子之大夫也何以不稱使當喪未

君也踰年矣何以謂之未君即位矣而未稱王也何以知其即位以諸侯之踰年即位亦知天子之踰年即位也以天子三年然後稱王亦知諸侯於其封內三年稱子也踰年稱公矣則曷爲於其封內三年稱子緣臣民之心不可一日無君緣孝子之心則三年不忍當也毛伯來求金何以書譏何譏爾王者無求求金非禮也

劉氏

傳此非王命則曷爲謂之王者無求古者君設百官總已以聽冢宰三年固王者之道也

○胡氏傳

不稱使當喪未君百官總已以聽於冢宰之時也夫百官總已以聽則是冢宰獨專國政託於王命以號令天

下夫豈不可而不稱使春秋之旨微矣非特謹天下之  
通喪所以示後世大臣當國秉政不可擅權之法戒也  
跋扈之臣假仗主威脅制中外凡有所行動以詔書從  
事蓋未有以春秋此義折之耳

觀魯文弔喪之使披倡至此天王之爲政者不知行  
法又來求金春秋特書以爲毛伯之私行嚴矣

夫人姜氏如齊

杜氏注歸寧

二月叔孫得臣如京師辛丑葬襄王

左氏傳莊叔如周葬襄王○陸氏纂例七月而葬  
晉人殺其大夫先都

左氏傳夷之蒐晉侯將登箕鄭父先都而使士穀梁益  
耳將中軍先克曰狐趙之勲不可廢也從之先克奪蒯  
得田于董陰故箕鄭父先都士穀梁益耳蒯得作亂正  
月己酉使賊殺先克乙丑晉人殺先都梁益耳

三月夫人姜氏至自齊

杜氏注告于廟○劉氏傳夫人曷為或致或不致或可  
以致或不可以致曷為或可以致或不可以致出入不

左氏傳楚子使椒來聘

椒穀梁作荻

左氏傳楚子越椒來聘○公羊傳椒者何楚大夫也楚無大夫此何以書始有大夫也始有大夫則何以不氏許夷狄者不一而足也○劉氏傳聘常事也其曰椒何楚進也楚進久矣曷為始乎此自是與中國通也與中國通者何自是以中國之禮為之者也意林曰前此者其交於中國也名號僭而無法故比之夷狄得見於春秋者皆必有非常之事焉今使椒來聘其號詞順其禮節中然後始均之中國矣故一諸侯也能自藩飾以禮樂者則謂之中國不能自藩飾以禮樂上慢下暴則謂之夷狄不在遠近而在賢不肖苟賢矣雖居四海謂之中國可也苟不肖矣雖處河洛謂之夷狄可也楚成以



力爲強執宋襄公戰勝天下威脅諸侯雖書春秋而不得以爵通今使極來聘常事耳自卑貶其名修下人之義而反得編於諸侯君臣俱榮以此見德爲貴力爲下矣○胡氏傳楚僭稱王春秋之始特以號舉夷狄之也中間來聘改而書人漸進之矣至是其君書爵其臣書名而稱使遂與諸侯比者是

以中國之禮待之也所謂謹華夷之辨內諸夏而外四夷義安在乎曰吳楚聖賢之後見周之弱王靈不及僭擬名號此以夏而變於夷者也聖人重絕之夫春秋立法謹嚴而宅心忠恕嚴於立法故僭號稱王則深加貶黜比之夷狄以正君臣之義恕以宅心故內雖不使與

中國同外亦不使與夷狄等思善悔過嚮慕中國則進之而不拒此慎用刑重絕人之意也噫春秋之所以爲春秋非聖人莫能修之者乎

秦人來歸僖公成風之襚

公羊傳其言僖公成風何兼之兼之非禮也曷爲不言及成風成風尊也○杜氏注秦慕諸夏欲通於魯因有翟泉之盟故追襚僖公并及成風

葬曹共公

春秋卷第十一

春秋卷第十三

張洽集傳

文公

二十二年三月辛卯臧孫辰卒

晉

晉人伐秦取少梁夏秦伯伐晉取北徵○趙子

與舉號賊之也諸侯稱國狄之也○程氏傳晉舍

外求君罪也既而悔之正也秦不顧義理之是

非惟以報復為事夷狄之道也故夷之

穆公悔過見於誓言康公不紹

孫謀復事戰

爭故反其夷

楚殺其大夫宜申

左氏傳子西爲工尹與子家謀弑穆王穆王聞之五月  
殺闢宜申及仲歸○胡氏傳宜申謀弑穆王而誅則是  
討弑君之賊也曷爲稱國以殺又書其官而不曰楚人  
殺宜申乎曰穆王者即楚世子商臣也春秋之義微矣  
自正月不雨至于秋七月

穀梁傳歷時而言不雨文不閔雨也不閔雨者無忘乎  
民也

及蘇子盟于女栗

左氏傳頃王立故也

杜氏注頃王新立與魯盟親諸侯也

○陸氏纂例曰

公及之也不書公諱獨與天子大夫盟也

呂氏曰天子內臣無外交

與之盟非也

冬狄侵宋

楚子蔡侯次于厥貉

厥公羊作屈

左氏傳陳侯鄭伯會楚子于息冬遂及蔡侯次于厥貉

將以伐宋宋華御事曰楚欲弱我也先爲之弱乎何必

使誘我我實不能民何罪乃逆楚子勞且聽命遂道以

田孟諸命夙駕載燧宋公違命申無畏扶其僕以徇○

高郵孫氏曰厥貉之次遂稱楚子而明年伐麇又以爵  
書蓋首是與中國等夷狄益強而中國之衰益甚矣○  
胡氏傳楚滅江六平陳與鄭於是爲伐宋之舉次于厥  
貉凡伐而次者其次爲善次而伐者其次爲賤齊師次  
陘修文告以威敵善之也故上書伐楚以著其美楚次  
厥貉藏禍心以憑夏賤之也故下書伐麇以著其罪當  
是時陳鄭宋皆從楚矣獨書蔡侯何哉鄭失二大夫侯  
救而不及陳獲公子穀而懼宋方有狄難蓋有不得已  
者非其所欲也蔡無四境之虞則是得已不已志在從

夷狄矣故削三國書蔡侯見其棄諸夏之惡也

十有一年春楚子伐麇麇公羊作圖

左氏傳厥貉之會麇子逃歸春楚子伐麇成大心敗麇

師于防渚潘崇復伐麇至于錫穴○許氏曰楚侵伐書

將如此中國日替矣

夏叔彭生會晉卻缺于承匡

左氏傳叔仲惠伯會晉卻缺于承匡謀諸侯之從於楚

者九年陳鄭及楚平十年宋聽楚命○杜氏注承匡宋地在陳留襄邑

縣西彭生叔牙之孫



秋曹伯來朝

左氏傳曹文公來朝即位而來見也

前年即位

公子遂如宋

左氏傳襄仲聘于宋且言司城蕩意諸而復之因賀楚

師之不害也

狄侵齊

冬十月甲午叔孫得臣敗狄于鹹

左氏傳鄭瞞侵齊

杜氏注鄭瞞狄國名防風之後漆姓

遂伐我公卜使叔

孫得臣追之吉侯叔夏御莊叔縣房錫爲右富父終生

駟乘冬十月甲午敗狄于鹹獲長狄僑如富父終生春其喉以戈殺之○杜氏注鹹魯地

十有二年春王正月邾伯來奔

邾公羊作盛

左氏傳邾大夫朱儒自安於夫鍾國人弗拘春邾伯卒邾人立君大夫以夫鍾邾邾來奔○常山劉氏曰大夫位當世立國人弗立而來奔聖人即書其爵以其當立爲君也邾人豈可絕之哉春秋大居正王道若此豈有亂乎○泰山孫氏曰諸侯播越失地皆名此不名者非自失國也按莊八年師及齊師圍邾邾降于齊師自是

入為齊附庸此郕伯來奔為齊所逼爾故不名

杞伯來朝

二月庚子子叔姬卒

陸氏纂例曰時君之女故曰子以別非先君之女也

夏楚人圍巢

杜氏注巢吳楚之間小國廬江六縣有居巢城○左氏

傳群舒叛楚

群舒偃姓舒庸舒鳩之屬今廬江南有舒城舒城西南有龍舒

夏秦尹成

嘉執舒子平及宗子遂圍巢

平舒君名宗巢群舒之屬

秋滕子來朝

左氏傳滕昭公來朝亦始朝公也

秦伯使術來聘

術公羊作遂

左氏傳秦伯使術來聘且言將伐晉

冬十有一月戊午晉人秦人戰于河曲

左氏傳秦爲令狐之役故冬秦伯伐晉晉人禦之更駢曰秦不能久請深壘固軍以待之從之秦人欲戰秦伯謂士會曰若何而戰對曰趙氏新出其屬國曰更駢必實爲此謀將以老我師也趙有側室曰穿晉君之壻也有寵而弱不在軍事好勇而狂且惡更駢之佐上軍也若使

輕者肆焉其可十二月戊午秦軍掩晉上軍趙穿追之  
不及反怒曰裹糧坐甲固敵是求敵至不擊將何俟焉  
軍吏曰將有待也穿曰我不知謀將獨出乃以其屬出  
宣子曰秦獲穿也獲一卿矣秦以勝歸我何以報乃皆  
出戰交綏秦行人夜戒晉師曰兩君之士皆未愁也明  
日請相見也史駢曰使者曰動而言肆懼我也將遁矣  
薄諸河必敗之晉甲趙穿當軍門呼曰死傷未收而棄  
之不惠也不待期而薄人於險無勇也乃止秦師夜遁  
復侵晉入瑕○杜氏注河曲在河東蒲坂縣南○陸氏

纂例曰戰不書及交為主也○程氏傳凡戰皆以主人  
及客秦曲故不言晉及○穀梁傳不言及秦晉之戰已  
亟故略之也○胡氏傳秦伯晉趙盾其稱人何秦納不  
正遂非積忿晉不謝秦潛師禦之是以暴兵連禍至此  
極也凡戰皆以主人及客其不書晉及何也前年秦師  
來伐晉不言戰者晉已服矣故狄秦而免晉今又爲此  
役則秦曲甚矣故不以晉爲主惟動大眾從秦師不奉  
詞令以止之也故敗而稱人此輕重之權衡也○公羊  
傳何以不言師敗績敵也

季孫行父帥師城諸及鄆

鄆公羊作運

穀梁傳稱師師言有難也○杜氏注鄆莒魯所爭者城

南姑幕縣南有負亭即鄆也

十有三年春王正月

夏五月壬午陳侯朔卒

成公也不書葬魯不魯

邾子遽除卒

穀梁作遽條

左氏傳邾文公卜遷于繹史曰利於民而不利於君邾

子曰苟利於民孤之利也天生民而樹之君以利之也

民既利矣孤必與焉左右曰命可長也君何不為邾子  
曰命在養民死之短長時也民既利矣還也言莫如之  
五月邾文公卒君子曰知命

自正月不雨至于秋七月

大室屋壞大公羊作世

左氏傳大室之屋壞書不井也商慢宗廟使至傾公羊類故書以見不恭

傳世室者何魯公之廟也魯公伯禽周公稱太廟魯公稱世

室群公稱宮此魯公之廟也曷為謂之世室世室猶世

世室也世世不毀也周公何以稱太廟于魯封魯公以



爲周公也周公拜乎前魯公拜乎後曰生以養周公死  
以爲周公主魯祭周公何以爲牲周公用白牡魯公用  
騂剛群公不毛魯祭周公何以爲盛周公盛魯公壽群  
公廩世室屋壞何以書識何譏爾久不修也○穀梁傳  
禮宗廟之事君親割牲夫人親春敬之至也爲社稷宗  
廟主而先君之廟壞極稱之志不敬也呂氏曰君子之  
不敢忘者非以崇孝而厚遠也孝子之於親心固如是  
也推是心以爲政雖不中不遠矣魯之爲國至使大室  
之屋壞其能有以及物乎○胡氏傳何以知其久不修乎自正月至  
七月不雨則無壞道也不雨凡七月而先君之廟壞不

恭甚矣此皆志文公怠慢不謹事宗廟以致魯國衰削

之由垂戒切矣

通旨曰早甚矣宜不興土木之工矣而書大室屋壞者見宗廟之不可不修也

徐時動問旱乾水溢

切工作自宜親罷自正月不雨

至七月猶言大室屋壞如何答曰居處猶欲完葺況宗

廟乎此又與築三十一年築臺于即築臺于薛築臺于

秦冬不兩三十八年築鄆不同大室既壞必須便脩而

春秋不書

意可知矣

冬公如晉衛侯會公于沓

公羊會下無公字

高郵孫氏曰沓之會公已去魯而未至于晉也

狄侵衛

十有二月己丑公及晉侯盟

公還自晉鄭伯會公于柴

公還公穀無公字柴公羊作雙

左氏傳冬公如晉朝且尋盟衛侯會公于沓請平于晉  
公還鄭伯會公于柴亦請平于晉公皆成之○公羊傳  
還者何善辭也何善爾往黨衛侯會公于沓至得與晉  
侯盟反黨鄭伯會公于柴故善之也黨所○杜氏注柴鄭  
地

十有四年春王正月公至自晉

邾人伐我南鄙叔彭生帥師伐邾

左氏傳邾文公之卒也公使弔焉不敬邾人來討伐我

南鄙故惠伯伐邾○余氏曰居喪而伐人與夫伐人之  
喪其罪一也

夏五月乙亥齊侯潘卒

左氏傳子叔姬妃齊昭公生舍叔姬無寵舍無威公子  
商人驟施於國而多聚士盡其家貨於公有司以繼之  
夏五月昭公卒舍即位

六月公會宋公陳侯衛侯鄭伯許男曹伯晉趙盾癸酉同  
盟于新城

左氏傳同盟于新城從於楚者服且謀邾也

從楚者陳鄭宋謀邾

晉欲納  
捷苗

○杜氏注新城宋地在梁國穀熟縣西○陸氏

纂例曰他時但就諸侯行盟禮故云某日會某侯盟于

某此即行會禮又別日行盟禮故書曰以謹之

程氏傳  
始會議

合而後  
盟也

○胡氏傳同外楚也其曰同者志諸侯同欲非

強之也而宋公陳侯鄭伯在焉則知楚次厥貉三國雖

從誠有弗獲已者削而不書蓋恕之也蔡不與盟果有

背華即夷之實矣夷者晉楚行事未有以大相遠也而

春秋與奪如此者荆楚僭王若與同好陵蔑中國是將

伐宗周為共主君臣之義滅矣可不謹乎

秋七月有星孛入于北斗

公羊傳孛者何彗星也其言入于北斗何北斗有中

也何以書記異也

中者

○穀梁傳孛之爲言猶弗也其曰

入于北斗斗有環城也○左氏傳有星孛入于北斗周

內史叔服曰不出七年宋齊晉之君皆將死亂

漢書五行志云

劉歆以爲斗天之三辰綱紀之星也宋齊晉天子之方

伯中國綱紀善所以除舊布新斗七星故曰不出七年

至十六年宋人弑昭公十八年齊人弑懿公宣公二年

晉趙穿弑靈公○胡氏傳此三君皆違道失德而死于

亂符叔服之言天之示人

顯矣史之有占亦明矣

公至自會

晉人納捷菑于邾弗克納

捷公羊作接

左氏傳邾文公元妃齊姜生定公二妃晉姬生捷菑文公卒邾人立定公捷菑奔晉七月晉趙盾以諸侯之師八百乘納捷菑于邾邾人辭曰齊出疆且長宣子曰辭順而弗從不祥乃還○穀梁傳是卻克也其曰人何也微之也何爲微之也長轂五百乘縣地千里過宋鄭滕薛魯八千里之國欲變人之主至城下然後知何知之晚也弗克納未伐而曰弗克何也弗克其義也捷菑晉出也疆且齊出也疆且正也捷菑不正也

劉氏意林曰卻缺聞過而

改見義而徙矣爲不免於貶曰春秋之所謂賢者非賢  
於人之謂也必致於仁聖之域然後止矣今卻缺之事  
不耻過作非以竟舜之法論之僅得免怙終之刑耳何  
足以言賢夫賢者之事其君言必謀於義動必順於道  
不遑寡不雄成是以無過舉矣有用賤陵  
費用少陵長傷財害民以力爲之者哉 ○陸氏纂例

曰自以爲君而來爭國者則不論命與不命皆但名而  
已不言公子公孫言非復人臣也所謂當國者也齊小  
白陽生邾捷菑莒去疾所以不氏也○趙子曰弗克納  
言失之於初而得之於末也愈平遂也陸淳曰淳聞之  
師曰據三傳之說晉帥皆有名氏書曰人何也廢置諸  
侯王者之事人臣專之罪莫大焉夫子善其聞義能徙



故爲之諱也凡事不合常理而小可嘉者皆以諱爲善  
○胡氏傳盾以義之不克引師而去之故君子善之而  
書曰弗克納也在易同人之九四曰乘其墉弗克攻吉  
象曰乘其墉義弗克也其吉則困而反則也其趙盾之  
謂矣聖人以改過爲大過而不改將文過以遂非則有  
怙終之刑過而能悔不貳過以遠罪則有遷善之美其  
曰弗克納見私欲不行可以爲難矣然則何以稱人爲  
之諱也內以諱爲貶外以諱爲善

九月申申公孫敖卒于齊

左氏傳穆伯之從已氏也魯人立文伯穆伯生二子於莒而求復文伯以爲請襄仲使無朝聽命復而不出三年而盡室以復適莒文伯疾而請曰穀之子弱請立難也許之文伯卒立惠叔穆伯請重賂以求復惠叔以爲請許之將來九月卒于齊告喪請葬弗許○穀梁傳奔大夫不言卒而言卒何也爲受其喪不可不卒也其地於外也○劉氏傳大夫出奔曷爲或卒或不卒或可以卒或不可以卒曷爲或可以卒或不可以卒大夫去其宗廟爵祿猶列於朝出入猶詔於國兄弟宗族猶存是

大夫而已矣卒之可也爵祿無列於朝出入無詔於國

兄弟宗族無存是非大夫而已矣卒之不可也意林曰

循法度自絕于魯而猶卒之春秋不以爲非以謂君臣之間厚莫重焉故君誠有禮於其臣則臣可以死可以亡君誠有恩於其臣則臣雖死雖亡而不怨若是而國家之禍亂遠矣

齊公子商人弑其君舍

左氏傳秋七月乙卯夜齊商人弑舍而讓元元曰爾求

之父矣我能事爾爾不可以多蓄憾將免我乎爾爲之

齊人定懿公使來告難故書以九月○穀梁傳舍未踰

年其曰君何也成舍之爲君所以重商人之殺也○陸

氏微旨淳聞之師曰春秋之作本懲嘉惡也若未踰羊之君被弑而不曰君則逆亂之臣皆以未踰羊而肆其凶惡也故原其情以立此義晉奚齊本不正又里克不代其位故異於此○高郵孫氏曰人子之心則未踰羊而稱子國人弑君則未踰羊而稱君此春秋所以辨君臣之分而防篡弑之禍也

宋子哀來奔

左氏傳宋高哀爲蕭封人以其爲卿不義宋公而出遂來奔書曰宋子哀來奔貴之也○陸氏微旨曰時奔者皆

以有罪而子哀獨以宋公不義不貪其祿而去之出奔  
之美者春秋之所未有故書字以褒貴之也○胡氏傳  
易曰君子見幾而作不俟終日幾者動之微吉之先見  
者也宋子哀有焉昔微子去紂列於三仁之首子哀不  
立於危亂之邦而春秋書字謂能貴愛其身以存道也  
若偷生辟禍而去國出奔亦何取之有

劉氏意林曰君  
子貴見微者大

臣之操也孔子曰所謂大  
臣者以道事君不可則止

冬單伯如齊

泰山孫氏曰單伯魯大夫至此猶見者蓋其子孫世爾

齊人執單伯齊人執子叔姬

公羊傳執者曷爲或稱行人或不稱行人稱行人以執

者以其事執也不稱行人者以已執也

劉氏傳何以不稱行人或曰不

稱行人者非其所爲使也或曰附庸之君也生不名死不卒故執亦不稱行人者也

○胡氏傳齊

君舍魯之甥也商人弑舍固忌魯矣魯使單伯如齊齊

人意欲辱魯故執單伯并子叔姬而誣之以罪不稱行

人公羊所謂以已執之者也○劉氏傳子叔姬者何齊

君舍之母也齊君舍之母則齊人曷爲執之商人弑其

君而暴其母單伯如齊請以歸曰殺其子焉用其母商

人怒爲是而執之。○常山劉氏曰商人殺君之惡已顯而執叔姬之事聖人不獨罪商人也齊人不討賊俱面事之又致執其君母齊之人均有罪焉故曰齊人執子叔姬。○胡氏傳商人驟施於國是誘齊國之人而齊其惡也齊人懷商人之私意忘君父之大倫弑其君而不能討執其母而莫之救則是舉國之人皆有不赦之罪假有人焉正色而立於朝誰敢致難於其君與執其母而不之顧乎故聖人書曰齊人執子叔姬所以窮逆賊之黨與而治之也其討罪之旨嚴矣故曰春秋成而

亂臣賊子懼

十有五年春季孫行父如晉

左氏傳季文子如晉爲單伯與子叔姬故也○許氏曰使魯能修其政刑則齊亂可以義討今反遇辱而因晉以請爲齊弱焉傳曰國家閒暇及是時明其政刑雖大國必畏之矣前此魯亦暇矣而怠豫替差政刑不勅卒困於齊豈非自取侮哉

三月宋司馬華孫來盟

左氏傳宋華耦來盟其官皆從之公與之宴辭曰君之



先臣督得罪於宋殤公名在諸侯之策臣承其祀其敢  
辱君請承命於亞旅。穀梁傳司馬官也。陸氏纂例  
曰趙子曰來盟彼欲之也啖子曰凡外臣來不言君使  
者皆有義。高郵孫氏曰華孫其君閭亂國事廢弛而  
賢臣外奔懼鄰國之諸侯因其間隙而侵伐之於是來  
盟以紓其國之難春秋大夫之見於經者多矣其以官  
舉者惟三人焉又皆在宋昭公之時也豈非禍亂之世  
則節義之士有以顯名於後歟。呂氏曰不言使自請  
之也稱司馬能其官也。

夏曹伯來朝

齊人歸公孫敖之喪

左氏傳齊人或爲孟氏謀曰魯爾親也飾棺宜諸堂車  
魯必取之從之卞人以告惠叔猶毀以爲請立於朝以  
待命許之取而殯之齊人送之書曰齊人歸公孫敖之  
喪爲孟氏且國故也○劉氏傳何以書譏何譏爾以大  
夫卒之而不以大夫終之非魯也制人之君臣使上不  
行乎下非齊也○許氏曰以敖之醜奔而錄卒錄其喪  
歸春秋爲之屢見於經者以文伯惠叔之哀誠無已也

易曰有子考無咎書曰爾尚蓋前人之愆惟忠惟孝故  
聖人以教著教焉

六月辛丑朔日有食之鼓用牲于社

左氏傳非禮也日有食之天子不舉伐鼓于社諸侯用  
幣于社伐鼓于朝以昭事神訓民事君示有等威古之  
道也

單伯至自齊

穀梁傳大夫執則致致則名此其不名何也天子之命  
大夫也○胡氏傳單伯天子之命大夫故逆王姬會伐

宋使于齊皆書其字致而不名與意如舍異者無所書而不等主命謹臣禮也

晉卻缺帥師伐蔡戊申入蔡

左氏傳新城之盟蔡人不與晉卻缺以上軍下軍伐蔡曰君弱不可以怠戊申入蔡以城下之盟而還○許氏曰言伐言入甚之

秋齊人侵我西鄙

季孫行父如晉

左氏傳齊人侵我西鄙故季文子告于晉

冬十有一月諸侯盟于扈

左氏傳晉侯宋公衛侯蔡侯陳侯鄭伯許男曹伯盟于扈尋新城之盟且謀伐齊也齊人賂晉侯故不克而還於是有齊難是以公不會書曰諸侯盟于扈無能為故也○劉氏傳諸侯何以不序不足序也其不足序何也欲治齊而後不能也欲治齊而後不能孰惡惡晉也惡晉則其言諸侯何晉固為諸侯長矣亦諸侯之罪也陳恒弑其君孔子沐浴而朝告於哀公曰陳恒弑其君請討之公曰告夫三子者孔子曰以吾從大夫之後不敢

不告也公曰告夫三子者之三子告不可孔子曰以吾從大夫之後不敢不告也○胡氏傳八國之君何以不序略之也春秋之於夷狄君臣同詞而不分爵號說者以爲略之也八國曷爲略之等於夷狄乎齊人弑君不能致討受賂而退奚以賢於狄矣不曰晉人會諸侯盟于扈而曰諸侯盟于扈者分惡於諸侯也

十有二月齊人來歸子叔姬

劉氏意林曰出夫人者未嘗不使大夫將命也彼其曰郊伯姬來歸此其曰齊人來歸子叔姬何哉曰春秋正

名別賢不肖使勿相亂者也義屈則屈義直則直郊伯  
姬以罪出雖父母於其子而不敢以私愛害公義辭不  
教而已矣子叔姬以禍亂逐非得罪於先君者也魯雖  
受之其義固可以自直故謂之齊人來歸子叔姬明罪  
之在也○泰山孫氏曰商人既弑其子又絕其母○胡  
氏傳春秋深罪齊人以商人爲君而不知其惡故其執  
其歸與弑其君商人皆稱齊人深責之也

齊侯侵我西鄙遂伐曹入其郭

杜氏注郭郭也○左氏傳齊侯侵我西鄙謂諸侯不能

也遂伐曹入其郛討其來朝也○許氏曰魯盡禮於晉而見侵莫恤曹修禮於魯而被伐莫救此仁義之所以日壞而兵革之所以方興夫豈特齊懿之暴矣無道皆晉靈趙盾之責也

十有六年春季孫行父會齊侯于陽穀齊侯弗及盟

左氏傳春及齊平公有疾使季文子會齊侯于陽穀請盟齊侯不肯曰請俟君閒○劉氏傳其言弗及盟何弗者遷詞也非弗及盟也弗肯與盟也齊侯曷為弗肯及季孫行父盟季孫行父會齊侯于陽穀其義固弗可與



盟也大國之卿可以會小國之君不可以會次國之君  
此弗肯也其謂之弗及何所恥也爲賤而弗肯及使若  
弗及然

夫國之興衰也有徵強明而不息者興之兆也昏惰  
而不事事者衰之符也文公即位之元年以會伯主  
爲憚而付之公孫敖以取晉怒魯之不得志於晉者  
數年今齊之亂公能脩明政刑告天子方伯以討其  
罪則雖大國必畏之矣旣不能然反使商人得以強  
大而威我親戚命使執辱於齊不惟邊鄙被患而與

國與受其禍此有志者困心衡慮而圖之之時也而  
文公方且宴安於其國復使其臣犯分求盟以平累  
年之隙抑何不思之甚哉

夏五月公四不視朔

杜氏注諸侯每月必告朔聽政因朝於廟今公以疾闕  
不得視二月至五月朔也○公羊傳曷為四不視朔公  
有疾也何言乎公有疾不視朔自是公無疾不視朔也  
有疾無惡不當書又不言有疾欲以起公自是無疾不視朔也然則曷為不言公無疾  
不視朔有疾猶可言也無疾不可言也

胡氏曰公羊之說見聖人所書

之意若後復視朔者必於此書  
公有疾與昭公如晉之比矣

○穀梁傳天子班朔于

諸侯諸侯受于禘廟禮也公四不視朔公不臣也以公

為厭政甚矣

胡氏曰又公厭政備見於經閏不告朔不視無雨不閏會同不與廟壞不脩作主不

時事神治民之急也則其心放而不知求久矣

六月戊辰公子遂及齊侯盟于鄆丘

公羊作犀丘穀梁作師丘

左氏傳公使襄仲納賂于齊侯故盟于鄆丘○師氏曰

納賂於齊而求盟其弱可知也而齊侯受賂以與遂盟

則嚮之弗及季孫者亦豈以禮而却之哉

秋八月辛未夫人姜氏薨

左氏傳聲善覺○杜氏注僖公夫人文公母也

### 毀泉臺

左氏傳有蛇自泉宮出入于國如先君之數

伯禽至僖公十七君

秋聲善覺毀泉臺○劉氏傳何以書譏毀也曷爲譏毀有蛇自泉宮出入于國既而夫人覺魯人以爲祥非明民之道也○公羊傳先祖爲之已毀之不如勿居而已矣

### 楚人秦人巴人滅庸

左氏傳楚大饑戎伐其西南至于阜山師于大林

戎山夷

又伐其東南至于陽丘以侵訾枝庸人帥群蠻以叛楚

麇人帥百濮聚于逢將伐楚庸今上庸縣屬楚之小國百濮夷也於是申

息之北門不啓備中國楚人謀徙於阪高蔣賈曰我能往

寇亦能往不如伐庸夫麇與百濮謂我饑不能師故伐

我也若我出師必懼而歸百濮離居將各走其邑何暇

謀人乃出師旬有五日百濮乃罷罷夷無屯聚見難則散歸自廬以

往振廬同食往往伐庸也振發也同食上下無異饑次于句筮楚西界使廬

戰黎侵庸及庸方城上庸縣東有方城亭庸人逐之囚子揚翫三

宿而逸曰庸師衆群蠻聚焉不如復大師且起王卒合

而後進師叔曰不可姑又與之遇以驕之彼驕我怒而後可克先君蚡冒所以服陞陽也又與之遇七遇皆北

唯裨僚魚人實逐之

裨僚魚庸三邑魚魚復縣今巴東永安縣輕楚故但使三邑人逐之

庸人曰楚不足與戰矣遂不設備楚子乘駒會師于臨品分爲二隊子越自石溪子貝自伢以伐庸秦人巴人從楚師群蠻從楚子盟遂滅庸○胡氏曰庸人幸楚之弱帥群蠻以叛之此取滅之道也楚人謀伐而爲賈請伐庸亦見其謀國之善矣故列書三國而楚不稱師滅楚之罪詞也

冬十有一月宋人弑其君杵臼

杵公羊作廐

左氏傳宋公子鮑禮於國人宋饑竭其粟而貸之無日  
不數於六卿之門國之材人無不事也親自桓以下無  
不恤也宋襄夫人助之施昭公無道國人奉公子鮑以  
因夫人冬十一月甲寅宋昭公將田孟諸未至夫人王  
姬使帥甸攻而殺之帥甸郊甸之師司城蕩意諸死之○胡氏  
傳此襄夫人使甸人殺之也而書宋人者昭公無道國  
人之所欲殺也君無道而弑之可乎諸侯殺其大夫雖  
當其罪若不歸諸司寇猶有專殺之嫌以為不臣況於

北面歸戴奉之以爲君也故曰人臣無將將而必誅昭  
公無道聖人以弑君之罪歸宋人者以明君臣之義也  
然則有土之君可以肆於民上而無誅乎諸侯無道天  
子方伯在焉臣子國人其何居死於其職而明於去就  
從違之義斯可矣蕩意諸亦死職春秋削之不得班於  
孔父仇牧荀息何也三子閑其君而見殺春秋之所取  
也意諸知國人將弑其君而不能止知昭公將見殺而  
不能正坐待其及而死之所謂匹夫匹婦自經於溝瀆  
而莫之知也奚得與死其職者比乎聖人所以獨取高



哀之去而書字以褒之也

十有七年春晉人衛人陳人鄭人伐宋

左氏傳晉荀林父衛孔達陳公孫寧鄭石楚伐宋討曰  
何故弑君猶立文公而還卿不書失其所也○程氏傳  
行天討而成其亂失天職也故不卿之○杜氏注自閔  
僖以下終於春秋陳侯常在衛侯上今大夫會在衛下  
傳不言陳公孫寧後至則寧位非上卿故也

夏四月癸亥葬我小君聲姜

聲公羊作聖

孫氏曰聲謚也九月而葬○左氏傳葬聲姜有齊難是

以緩

齊侯伐我西鄙

杜氏注西當為北蓋經誤

六月癸未公及齊侯盟于穀

左氏傳齊侯伐我北鄙襄仲請盟六月盟于穀

晉不能救魯故

請服

諸侯會于扈

左氏傳晉侯蒐于黃父遂合諸侯于扈平宋也公不與

會齊難故也書曰諸侯無功也○劉氏傳諸侯何以不

序不足序也其不足序奈何欲治宋而後不能也

秋公至自穀

冬公子遂如齊

左氏傳襄仲如齊拜穀之盟

十有八年春王二月丁丑公薨于臺下

穀梁傳臺下非正也

高郵孫氏曰臺非路寢皆不正也其曰臺下蓋又甚焉

秦伯瑩卒

孫氏曰秦康公也

夏五月戊戌齊人弑其君商人

左氏傳齊懿公之為公子也與兩獸之父爭由弗勝及即位乃搗而刖之而使獸僕納閭職之妻而使職驂乘

夏五月公遊于申池二人弑懿公納諸竹中歸舍爵而  
行○何氏注商人弑君賊書弑者齊人已君事之殺之  
宜坐弑君○胡氏傳而歎閭職實弑懿公然則於法宜  
書曰盜而特變其詞以爲齊人何也亂臣賊子之動於  
惡必有利其所爲而與之者人人不利其所爲而莫之  
與則孤危獨立無以濟其惡篡弑之謀熄矣惟利其所  
爲而與之者衆是以能濟其惡天下胥爲禽獸而莫之  
遏公子商人驟施於國以財誘齊國之人齊人貪一時  
之私施不顧君臣之大倫弑其國君則覲面爲之臣執

其君母則拱手以聽故於懿公見殺特不書盜反以弑  
君之罪歸諸齊人以誅亂賊之黨弭篡弒之漸所謂拔  
本塞源懲禍亂之所由也故曰春秋成而亂臣賊子懼  
六月癸酉葬我君文公

秋公子遂叔孫得臣如齊

左氏傳六月葬文公秋襄仲莊叔如齊惠公立故且拜  
葬也文公二妃敬嬴生宣公敬嬴嬖而私事襄仲襄仲  
欲立之叔仲不可仲見于齊侯而請之齊侯新立而欲  
親魯許之○穀梁傳使舉上客而不舉介不正其同倫

而相介故列數之也

胡氏曰上書大夫並使下書子卒夫人姜氏歸于齊則見禍亂即謀

發於奉使之日而公子遂弑立其君之罪著矣

冬十月子卒

公羊傳子卒者孰謂謂子赤也。○左氏傳冬十月仲殺惡及視而立宣公書曰子卒諱之也。仲以君命召惠伯其宰公冉務人止之曰入必死叔仲曰死君命可也公冉務人曰若君命可死非君命何聽弗聽乃入殺而埋之馬矢之中。○陸氏曰啖子曰凡未踰年君卒皆書曰卒言嗣先君未成君也故不書崩薨而書曰卒先君未

葬則名之既葬則不名外諸侯未踰年而卒則不書異

於內也○趙氏曰不書地弑也

子野非被弑而亦不書地闕文也

○胡

氏傳諸侯在喪稱子繼世不忍當也既葬不名終人子之事也踰年稱君緣臣民之心也

不書日闕文也

夫人姜氏歸于齊

左氏傳夫人姜氏歸于齊大歸也將行哭而過市曰天乎仲為不道殺適立庶市人皆哭魯人謂之哀姜○胡氏傳書夫人則知其正書姜氏則見其非絕於先君書

歸于齊則知其無罪異於孫邾者而魯國臣子殺嫡立庶敬嬴宣公不能事主存適母其罪並見矣

季孫行父如齊

襄陵許氏曰文子之行告宣公立也齊與季孫之罪皆可見矣

莒弑其君庶其

陸氏曰稱國以弑自大臣也

呂氏曰其責在大臣其君則亦惡加夫一國之內也

○左氏傳莒紀公生太子僕又生季佗愛季佗而黜僕且多行無禮於國僕因國人以弑紀公以其寶玉來奔



季文子使司寇出諸竟

延祐甲寅李教授捐俸補刊

春秋集傳卷第十三